

# Kitab Suci Bocah nyuguhaké



## Pasamuwan Ketemu Masalah



Ditulis déning: Edward Hughes

Digambari déning: Lazarus  
Alastair Paterson

Dibesut déning: Ruth Klassen


Diterjemahaké déning: Maryudha

Diproduksi déning: Bible for Children  
[www.M1914.org](http://www.M1914.org)

©2023 Bible for Children, Inc.  
Kowé duwé hak motokopi utawa nyithak crita iki,  
waton ora kanggo diedol.

Seket dina sawise Putrane Gusti Allah yaiku Yésus wungu saka ing antarane wong mati, Roh Suci rawuh nunggil ing para pengikute. Senajan para murid ora ngerti kepriye Gusti Allah Bapake, Gusti Allah Anake (Yésus) lan Gusti Allah Roh Suci bisa dadi siji Gusti Allah, nanging pada bungah nek Gusti Allah nunggil karo dhéwéké. Gusti Allah nindakke sing nggumunke kanggo mbantu para rasul ngabarake bab Yésus marang wong liya.

Wong-wong sing precaya marang Gusti Yésus mbagi apa sing diduweni, supaya wong-wong mlarat isa dirumat. Nanging ana pasangan sing jenenge Ananias lan Safira sing ora jujur. Wong-wong mau padha ngedol lemah lan ngaku nek nggawa kabeh dhuwite marang para rasul. Meneng-menengan, padha nyimpen sawetara kanggo awake dhéwé.



3


"Yagene Iblis ngebaki atimu nganti ngapusi Roh Suci ...?" Petrus takon marang Ananias. "Sampeyan ora ngapusi manungsa nanging marang Gusti Allah." Ananias banjur ambruk lan mati. Cah-cah nom

banjur mbungkus Ananias, digawa metu lan dikubur.



4


Ora let suwe, Safira mlebu, ora ngerti yen bojone wis mati. Dhèwéké uga ngapusi babagan dhuwit - lan kedadeyan sing padha karo bojone. Wong-wong sing krungu bab kuwi pada wedi banget.



5

Gusti Allah Roh Suci nindakake akeh pratandha lan mukijat lumantar para rasul. Contone, wong-wong lara padha waras wektu bayangane Petrus


nglewati wong-wong mau.



6

Akeh mukijat-mukijat kedadean, nuduhake ngarsane Gusti Allah. Luwih akeh wong sing precaya marang Gusti Yésus. Iki ndadekake Imam Agung nesu banget.

Dekne mrentah supaya para rasul dikunjara!



7

Nanging ing wayah bengi ana Malaekate Pangéran mbukak lawang-lawang pakunjaran lan ngirid wong-wong mau metu, lan ngandika, "Padha lungaa, ngadega ing Padaleman Suci, lan ngomongake marang wong-wong kabeh tembung urip iki." Para rasul padha metu lan wiwit martakake bab Gusti Yésus. Esuke, para abdine Imam Agung nemoni kunjara kosong.

8

Nalika Iman Agung ketemu para rasul, Imam Agung nggegirisi para rasul. "Apa kita ora prentah kanthi tegas supaya aja mulang nganggo Jeneng iki?" Petrus lan para rasul liyane njawab, "Aku kudu manut marang Gusti Allah ketimbang manut marang manungsa." Imam Agung nesu banget, arep mateni para rasul. Nanging, dhèwèké dhawuh supaya digebugi lan dibebasake.



9

Senajan lara, para rasul tetep manut marang Gusti Allah lan terus martakke bab Yésus.




10

Ing sawijining dina ana wong sing jenenge Stefanus dicekel. Stefanus tresna marang Gusti Yésus. Roh Suci nggunakke dhèwèké kanggo ngandhani wong liya bab Yésus. Ana wong-wong sing ngomong goroh, nek Stefanus kuwi nglawan Gusti Allah. Sakwise diadili, Stefanus dibalangi watu nganti mati merga imane marang Gusti Yésus.



11

Sadurunge mati, Stefanus, kapenuhan ing Roh Suci, tumenga ing swarga lan weruh kamulyaning Allah lan Gusti Yésus jumeneng ing tengene Gusti Allah.



12

Wong-wong padha mbalangi Stefanus kanthi watu nalika sesambat marang Gusti Allah lan matur: "Dhuh Gusti Yésus, roh kawula tampanana." Banjur, kaya Gusti Yésus ing kayu salib, wong sing wani iki pas arep mati ndedonga supaya Gusti Allah ngapura marang wong sing mateni dhèwèké.



13

Pati Stefanus miwiti gelombang anyar saka buron. Ana wong enom jenenge Saulus, sing wis nulungi wong-wong sing mateni Stefanus, nyekel saben wong Kristen sing bisa ditemokake. Akeh wong-wong mau padha mlayu saka omahe lan kasebar ing tanah Yudea lan Samaria. Mung para rasul sing manggon ing Yérusalém.



14

Senajan mungsuhan-mungsuhe arep mateni wong-wong kuwi, nanging wong-wong sing kasebar lunga nang endi-endi lan martakke kabar apik bab Yésus. Ora ana sing bisa ngalangi para pandherekipun Gusti Yésus - amarga Roh manggon ing wong-wong mau lan makarya liwat wong-wong mau.



15

Pasamuwan Ketemu Masalah

Crita saka Pangandikané Gusti, Kitab Suci  
bisa digolèki ing  
Kisah Para Rasul 5-7

"Kawedharipun pangandika Paduka punika madhangi". Jabur 119:130

16

Crita Kitab Suci iki nyritaaké bab Gusti Allahé awaké dhéwé sing luwar biasa, sing nitahaké kita kabèh, sing ngersaaké supaya kowé wanuh marang Panjenengané.

Gusti Allah pirsya yén awaké dhéwé wis nglakoni prakara sing èlek-èlek, sing disebut déning Gusti Allah, dosa. Ukumané dosa iku pepati, nanging Gusti Allah banget olèhé ngasihi marang kowé, mula ngirim Putrané Ontang Anting, utawa Putra sing ora ana Tunggale, asmané Yésus, supaya séda disalib, Yésus diukum sebab dosa-dosamu. Banjur Gusti Yésus wungu manèh saka séda lan kondur menyang Swargal! Yen kowé pracaya marang Gusti Yésus lan nyuwun pangapura tumrap dosa-dosamu, Panjenengané bakal maringi pangapura! Panjenengané bakal rawuh lan urip nang atimu saiki uga, lan kowé bakal urip bareng Panjenengané saklawasé.

Yen kowé percaya yen iki bener, mara matura marang Gusti mengkéné: Gusti Yésus ingkang kawula tresnani, kawula pitados bilih Paduka punika Gusti, lan sampaun manjalma dadas manungsa supados séda kanggé nyirnaaken dosa-dosa kawula, lan sakpunika Paduka sampaun gesang malih. Mugi rawuha ing gesang kawula lan apuntenana sedaya dosa kawula, supados kawula nggaduhané gesang énggal ing wekdal punika, lan bénjang badhé seserangan kaliyan Paduka salaminipun. Mugi mitulungi kawula supados saged tansah mbangun turut dhumateng Paduka sarta gesang kagem Paduka, dadas putra Paduka. Amin.

Macaa Kitab Suci lan geguneman karo Gusti Yésus saben dina! Yohanes 3:16

18

Cunthel

56



60

17